

第四〇〇冊

明倫彙編

閩媛典

閩烈部

(卷)
四十五

古今圖書集成

中華書局影印

古今圖書集成
卷之八

七

古今圖書集成

中國書局影印

欽定古今圖書集成明倫彙編閩媛典

第六十四卷目錄

閩烈部列傳二十

明十五

林氏二女

石采蒿

張氏女

林師學妻廉氏

林楠妻何氏

林尚振妻何氏

陳氏女

翁應奎妻施氏

林尚菴妻薛氏

韓一敬繼室林源德

陳一德妻施氏

張應駒妻薛氏

林尚瑚妾陳氏

林守岡妻余氏

林守業妻陳氏

林鍾相繼室陳氏

張一仲妻林氏

林之特妻陳氏

蔡集妻鄭氏

劉二繁妻鄭氏

王原德妻陳氏

陳準妻丘氏

吳應桓妻陳氏

趙天麟妻方氏

許鑑妻吳氏

莊氏女

薛用溥妻葉氏

陳日躋妻嚴氏

陳氏女

魏金妹

鄭大鸞妻周氏

魏佑保妻陳氏

何玉真

林世葵妻吳氏

鄭存誨妻莊董娘

陳姚妻章氏

林守謬妻何氏

翁文焯妻嚴氏

陳某妻林氏

夏夢軫妻吳氏

吳開妻施氏

夏膺隆妻鄭氏

詹秉直妻黃氏

王二娘

林觀文妻陳氏

黃士寵妻陳氏

李塗妻陳氏

鄭文煥繼室郭氏

鄭肇妻鄒氏

蘇繼茂妻唐氏

鄭日新妻蕭氏

黃約妻高氏

陳在良妻方氏

鄭三娘

鄭一娘

陳若瑛

蔡崇妻朱福娘

杜妹懿

周文昌妻熊招娘

陳時表妻趙氏

陳國祖妻郭氏

曹逞妻謝氏

林文奎妻何氏

黃德妻林氏

林執中妻吳氏

王國助妻陳媚妻

謝應祚妻蔡氏

蔡任妻孫氏

林應元妻許端娘

林大娘

陳元登妻許七官

黃順娘

張鳳岐妻陳氏

高翰妻翁氏

鄭若濟妻蕭氏

王大勳妻張氏

陳復扶妻黃氏

黃懋志繼室翁氏

林須恭妻劉氏

王瓊娘

翁妹娘

康貞卿

後邸婦梅峰寺前女朝
天社遺女附

林咸妻陳氏

鄭龍妻李息娘

朱祚妻顧氏

楊宙娘

陳翰妻林氏

林邦京妻陳氏

陳淑慈

林鴻漸妻崔氏

何琚妻吳氏

黃思詔妾陳氏

吳煒妻莊願貞

朱焯妻陳氏

傅禧光妻蘇氏

蘇希益妻陳氏

黃鼎在妻許良娘

林伯謙妻許氏

劉德昭妻李氏

王從彝妻陳氏

王廷岳妻許氏

許子輝妻吳氏

王氏女

張子異妻李氏

陳肇岡妻劉氏

董嘉遇妻陳氏

林繼賢妻李氏

董尾吉妻王氏

李婦郭氏

王端妻林三娘

呂潤妻陳氏

王氏妻吳氏

陳汝光妻許蓮娘

呂登三妻許西娘

周仕昂妻陳二娘

張一睦妻葉三娘

楊廷樹妻范引娘

陳璿九妻某氏

鄭馴妻王氏

許朝槐妻黃氏

黃維祺妻楊氏

李鐘妻林氏

某氏婦

龔貞妻謝氏

盧眞賜妻陳氏

許復晉妻陳氏

許致允妻張氏

許元妻洪氏

陳安衆妻黃氏

王廷椿妻蔡氏

謝玉妻丘氏

陳以恕妻何氏

黃尾妻徐氏

謝愛娘

吳泰妻康氏

李一陽妻莊氏

蔡士訓妻洪四娘

黃貞妻許靖娘

黃士觀妻趙氏

張綬妻周仲娘

李起滄妻陳西娘

陳台宜妻王六娘

鄭仲輝妻陳氏

林氏女

方其振妻陳氏

劉毅齋女

林超南妻黃愛玉

張問行妻李氏

李純香

閩媛典第六十四卷

閩烈部列傳二十

明十五

林氏二女

按福州府志林氏二女長金小次玉小閩縣人嘉女也金小年二十嫁連江鄭輝生一子玉小未嫁嘉靖四十二年倭入寇至壺江村金小適歸寧與妹扶母乘舟避賊賊突登舟二女恐汚皆自投於江金小且死置其子謂母曰抱還鄭郎玉小脫簪珥與母而沒數日二屍逆流而上其父收葬之

趙天麟妻方氏

按福州府志方氏閩縣趙天麟妻嘉靖二十八年倭寇入長灣天麟出禦賊舉家浮江賊突至舟驅天麟父母入水方氏及天麟妹坤淑俱年少恐受辱投於江

石采蒿

按福州府志石采蒿恭政壁之孫女幼不妄言笑嘉靖間倭入寇采蒿隨母出避繫小刀衣帶間母怪問之曰急即死耳既而遇賊赴水陷泥淖中賊欲援之采蒿自殺數日家人收其屍顏色如生

許鑑妻吳氏

按福州府志吳氏長樂許鑑妻嘉靖間倭寇長樂鑑夫婦俱見執賊挾刃睨鑑吳抱鑑哭請以身代賊遂殺吳

張氏女

按福清縣志張氏女年十六倭寇犯境被執罵賊遇害族人過之恍見女寄言父母收其屍衆咸驚託以

爲烈魂不死

莊氏女

按福清縣志莊氏女許配陳邦哲倭變女被執赴水死哲取其屍隨亦自經

林師學妻廉氏

按福清縣志廉氏長樂林師學妻倭寇突至夫婦俱爲擄逼登舟氏謂夫曰汝可潛歸吾不汝辱也遂投海死

薛用溥妻葉氏

按福清縣志葉氏大學士葉向高之姑薛用溥妻倭難作氏被執恐見汚憤罵不已賊怒甚手刃殺之糜其屍

林楠妻何氏

按福清縣志何氏林楠妻楠死何年甫二十四父欲嫁之不從自刎死

陳日躋妻嚴氏

按福清縣志嚴氏陳日躋妻年二十四夫亡孀居三載服闋自經死

林尚振妻何氏

按福清縣志何氏林尚振妻夫歿投繯死

陳氏女

按福清縣志陳氏女許聘嚴壽年十七未嫁而清病亡女痛哭不食自縊死

陳氏女

按福清縣志陳氏女小字履瑞許聘秦孟勤勤病亡履瑞製衰衣欲奔喪時已失母而父又他出獨祖在難其行遂欲自刎祖不得已遂歸秦至則拜廟抱屍

哭不食姑強之食不聽語之曰而翁且歸當俟履瑞唯唯追勤父歸拜見如禮不食死時年十七

魏金妹

按福清縣志魏金妹許聘何千石千石有姊爲金妹叔母往來母家言千石病狀金妹刳股付叔母曰以此爲何郎羹千石死金妹堅欲奔喪父母不許遂投繯死廉州守何玉成率族人迎其喪與千石合葬

翁應奎妻施氏

按福清縣志施氏翁應奎妻歸七載夫氏伏屍嚼舌而死

鄭大鸞妻周氏

按福清縣志周氏鄭大鸞妻歸十載夫疾革以無子令自爲計氏泣曰妻不二斬今則不待斬矣夫曰倘而不爽吾死豈不幸越七日夫亡遂自縊於柩側學使表其門太守誌其墓

林尚菟妻薛氏

按福清縣志薛氏林尚菟妻歸五載夫亡氏哭絕復甦越六日成服遂沐浴更衣端坐自縊死

魏佑保妻陳氏

按福清縣志陳氏化北里魏佑保妻佑保病亡陳抱幼女哭訣姑覺其意謂曰汝幸與我共理家事徒死何益陳曰姑自有叔在婦何能爲既而復曰敬如姑命姑遂不疑翌日入寢室自經死年二十有六嘉靖間事

韓一敬繼室林源德

按福清縣志林氏名源德上幹人年十九適方民里韓一敬爲繼室次歲夫亡林矢志守節撫前妻子韓

雲兄弟俱入膠庠語子曰爾兄弟成立吾可告無罪於爾父一夕與諸姆訣夜分抱鏡潛出投龍江屍至海門之東若有鬼神呵護急木爲之停流至七日始獲其屍顏色如生

何玉眞

按福清縣志何玉眞化南里人許嫁逕江林文鐔之子佻年十九方婚未廟見而倭寇猝至佻與父匿於黃檗山中玉眞隨姑奔入縣賊搜黃檗山驅鐔去佻挺身出曰無害吾父罄其身之資藏以與賊父遂得還賊又驅佻至同安縣臨險鄉烽火連村竟路無從玉眞與姑復故廬見翁還而夫不在欲自殺舉家諭之曰倘夫生還則汝爲徒死矣既有鄉人自臨險回備言佻死之詳真爲夫招魂以葬遂經死嘉靖間事

陳一德妻施氏

小姑附

按福清縣志施氏陳一德妻嘉靖間倭寇入其鄉施與小姑陳細娘俱遇賊恐汚相持赴水死

林世葵妻吳氏

按福清縣志吳氏化北里林世葵妻嘉靖末倭寇至氏被執驅行不屈遇害萬曆乙酉其子林尚義舉于鄉御史陳子貞奏旌其閭

張應駒妻薛氏

按福清縣志薛氏張應駒妻夫病氏告姑曰兒以死許夫不能事姑矣自治殮具食鉛粉而死

鄭存晦妻莊董娘

按福清縣志莊董娘適鄭存晦僅六載夫以自經死林尚瑚妻陳氏

按福清縣志陳氏林尚瑚妻明亡從死

陳姚妻章氏

按福清縣志章氏陳姚妻姚亡氏哭奠如禮及五七日日出拜翁姑自刎死

林守岡妻余氏

按福清縣志余氏林守岡妻閩性至孝居喪哀毀病篤氏先岡九日自縊死

林守諤妻何氏

按福清縣志何氏林守諤妻夫亡閉戶自經死年二十有一

林守業妻陳氏

按福清縣志陳氏林守業妻夫病亟默祝求代度不起先二日自縊死

翁文焯妻嚴氏

按福清縣志嚴氏翁文焯妻焯病篤氏嘗謂小姑曰人欲自盡宜何從姑曰縊氏曰此大黯昧當以堂堂正正死之及夫亡入帳仰臥自刎死巡按御史題旌

林鍾相繼室陳氏

按福清縣志陳氏林鍾相繼室相調選例得兵馬司副指揮病沒於京氏聞訃勺水不入唇吞金服毒藥死年二十有八

陳某妻林氏

按福清縣志林氏陳某妻海寇登蘇澳其翁陳振聲死氏抱子攜婢被獲在舟俱赴水死

張一仲妻林氏

按福清縣志林氏張一仲妻仲賈海上遇賊死耗至氏撫二歲女曰吾當爲汝父死乃置女於潮頭縊素

赴海而沒年二十有四

夏夢軫妻吳氏

按福清縣志吳氏夏夢軫妻夫病篤氏剖腹剝肝和羹以進猶自取布束胃忍痛繼胃前血水浹衣而出淋淋機杆間染布數重夫二姊勸之曰矜痛何能忍而強爲此氏泣曰夫病革殮具微此無辦及夫亡氏閉戶更衣自經死年二十有九

林之特妻陳氏

按福清縣志陳氏諸生林之特妻特病亡遺孤甫九月守之至十歲出痘殤氏哀痛不食旬日而死

吳開妻施氏

按福清縣志施氏施起元女吳開妻夫亡即絕粒欲死翁姑百端勸止其母令待父歸遲九閱月面父絕粒十日死巡按奏旌其門

蔡集妻鄭氏

按福清縣志鄭氏蔡集妻歸未幾集病氏判股和羹以進及集亡題詩明志不食閱月而死

夏膺隆妻鄭氏

按福清縣志鄭氏夏膺隆妻隆亡氏以簪刺喉死

劉二葵妻鄭氏

按福清縣志鄭氏劉二葵妻葵授浙江寧波千總海上屢立戰功因乘勝輕敵被害計至氏大慟自刎死

詹秉直妻黃氏按黃氏及丘以下諸烈聞書令按莆田縣志黃氏詹秉直妻嘉靖癸未流寇猝至氏與姑共被獲賊索金帛拷其姑甚慘酷黃號哭願以身代賊殺姑遂罵賊奪其刀自殺有司以聞詔旌之

王原德妻陳氏

按莆田縣志陳氏王原德妻寡居二十餘年廣寇侵境掠之不去遂遇害榕城鄭善夫爲作傷哉行詔旌表其門

王二娘

按莆田縣志王二娘江口王待魁女方笄廣寇猝至掠女行至屋後山山下有大潭給以吸水解帛束衣投潭死順流浮海數日後乘潮而廻肌體不露顏色如生有司以聞詔建坊表其墓今人稱其潭爲烈女潭

陳準妻丘氏

按莆田縣志丘氏舉人謙女高安簿陳準妻流賊入其家墜樓死郡守旌之

林觀文妻陳氏

按莆田縣志陳氏庠生林觀文妻年二十四夫亡守志越四年城陷被執不屈縛之投火中焚死

吳應桓妻陳氏

按莆田縣志陳氏吳應桓妻年二十七爲賊所獲陳大號曰我一死便休豈從汝賊耶遂仆地不起賊怒殺之

黃士寵妻陳氏

按莆田縣志陳氏黃士寵妻士寵歿翁欲嫁之氏涕泣跪於庭以好語勸翁乃止無何寇至被擄投水死

李塗妻陳氏

按莆田縣志陳氏尚寶卿笄女李塗妻塗嬰疾陳事姑甚孝年十九爲倭寇所執大罵投水死

高翰妻翁氏

按莆田縣志翁氏布政茂南孫女高翰妻賊入城翁

抱姑哭賊殺其姑復殺其幼子擬以兵曰不從及汝矣翁罵曰吾姑死吾子死吾獨生乎伏姑屍大哭遂被害

鄭文煥繼室郭氏

按莆田縣志郭氏縣令鄭文煥繼室爲賊所執欲污之罵賊遇害於舊北門橋上

鄭若濟妻蕭氏

按莆田縣志蕭氏鄭若濟妻鄭家城外倭臨江口蕭入城若濟家居遇害計開蕭痛哭由東門出至耨尾橋遂投橋下死

鄭肇妻鄭氏

按莆田縣志鄭氏庠生鄭肇妻城陷同姑被執賊逼使前鄭奮曰死即死耳不前也賊怒刺之洞其胸血被地猶屹然坐姑驚號賊斫姑仆地愈憤罵激烈賊刃其喉死時年二十九

王大勳妻張氏

按莆田縣志張氏王大勳妻年二十二夫亡姑老家貧極力奉姑及賊入城與婦朱氏肩戶自燔死旌表

蘇繼茂妻唐氏

按莆田縣志唐氏庠生蘇繼茂妻倭圍城急指後庭井謂婢曰城陷吾以此爲死所既而倭入城盡室逃竄唐投井死倭平復其屍於井中子登龍貴贈孺人

陳復扶妻黃氏

按莆田縣志黃氏參議大廉女陳復扶妻城陷年十七賊逼之黃哭罵前奪賊刀賊怒拽之出黃指賊罵不絕賊斷其五指仍刺殺之同俘者覆以青袍積薪焚之

鄭日新妻蕭氏

按莆田縣志蕭氏鄭日新妻與夫同被執即以所生子付正室姚氏語以必死賊逼不從怒罵被殺

黃懋志繼室翁氏

按莆田縣志翁氏黃懋志繼室寇至欲犯之翁給入更衣自縊死

黃約妻高氏

按莆田縣志高氏縣令黃約妻嘉靖壬戌之難抗賊死萬曆中有司旌之

林須恭妻劉氏

按莆田縣志劉氏都憲勳孫女庠生林須恭妻賊至強侵之劉抗拒賊破其腹死同俘者見屍仆地猶手執棍槓不釋須恭是日亦被害於他所

陳在良妻方氏

按莆田縣志方氏陳在良妻城陷與在良母黃氏出北門走賊衆擁至夫母俱相失賊逼之罵賊投水死

王瓊娘

按莆田縣志王瓊娘福清王汝采女年十四計待賢里陳商越六年商死瓊娘聞計七日不食往歸商家事商父母三年倭寇流劫與家人同竄梧崗山賊獲之伴許賊懇釋商父母及夫二幼姪至涵江賊營以密藏劍刀自刎而死賊衆驚異以錦衣衣其屍扶上坐相率羅拜隨令群婦昇以緞被置江邊爲潮沒去賊感激盡放同日所擄婦女無算

鄭三娘

按莆田縣志鄭三娘城左倉邊人母許婚庠生吳世勳其兄德時娶林氏宦家女也恥吳貧挾勢悔婚而

納富人聘三娘縞素臨之曰吾有死而已遂碎其儀登樓不食死死之日弔者填門御史聶豹按莆親往弔爲築烈女墓蓋亭墓前撰碑文勒其事以聞於朝詔旌表

翁姑娘

按莆田縣志翁妹娘溫莊翁玉屏女也許嫁朱紀紀亡女欲往弔父母不肯女含哀不食越月父爲卜婚遂自經死御史方涯命築墳建坊旌之

鄭一娘

按莆田縣志鄭一娘城左義井人父謙議婚林嘉猷未成禮而猷亡一娘憂憤絕食自經死年十六御史方涯行縣祭葬立石表其墓

康貞卿

按莆田縣志康貞卿許配林九錫父母聞其姑不恤前妻子遂潛取族女養之以代女知之即不食私語族女曰吾誓必死族女亦歔歔泣下女遂絕粒死次日族女亦暴亡

陳若瑛

按莆田縣志陳若瑛義門人許配舒郎未嫁舒歿陳不食死其自題詩云有女名若瑛義門陳氏子女紅中饋餘頗亦嫻書史十九聘舒郎雙璧光盈筭百年偕老期天命永相阻妾身雖未明妾心良已許豈無逐風花離根妾所恥名既爲君婦能不爲君死我生尚氣節賦終毛髮堅

後邨婦

梅峰寺前女朝天社遶女附

按莆田縣志後村一婦人容色甚盛賊誘之不從延頸受刃賊不忍置之房自毀其面賊猶戀戀氏請死

以火自焚其面皮如癩賊舍之又梅峰寺前有一女子抗賊不屈手足釘於壁以死朝天社邊槐樹下有女與父同執賊欲質其父女曰吾女流無能爲也放吾父乃可得贖金賊信之出其父女以身死

蔡崇妻朱福娘

按僊遊縣志朱福娘金沙蔡崇妻連江里人崇亡七日從死縣令表其門初邑庠陳康世母鄭氏鄭梓女也嘉靖倭變與父同被執賊以刀按其頸使偕行不從賊殺之福娘康世外孫女也人以爲母教有由焉

林咸妻陳氏

按僊遊縣志林咸妻陳氏折桂里上塘汝賢女年二十二夫亡子甫二歲紡績養舅姑逾四載母兄陰許富室林仕卿爲繼配迫歸嫁之氏百計不能免乃抱兒訣別自縊死時嘉靖戊戌學使表其門令各官捐俸營葬

杜妹懿

按福寧州志杜妹懿字淑貞杜應鴻女嘉靖間賊掠九都妹懿年十七從母走十都上澳崖上將航海避之賊追逼妹懿恐見污遂投崖赴海國淖浸及胷舉手與母爲訣母誑賊曰我女懷多金幸活之以金爲償賊果泥行以槍引妹懿不顧而死十餘日屍流至本境江濤

鄭龍妻李息娘

按福寧州志李息娘李融女適鄭龍龍亡氏年二十七一子甫兩月所親逼他適不從子七歲殤息娘拊屍慟哭曰我勤苦衣食者爲汝今奚望哉遂自縊死

周文昌妻熊招娘

按福寧州志熊招娘生員周文昌妻嫁三年文昌死囑勿再嫁招娘斷指誓信婦居四年人議奪其志招娘撫夫棺大慟自縊不果是夜投井死嘉靖間詔旌其門

朱祚妻顧氏

按福寧州志顧氏後所朱祚妻祚祿而孤叔鄉司訓顧託撫之歸祚祚貧嬰疾顧鬻金具用給衣食未幾祚疾革囑曰我在汝且饑死將何文况少而無子宜他適祚尋亡顧年二十有六罄所有營葬夫於木梳山爲人紡績取備以供饋奠或濟之弗納或諷之嫁輒欲自盡母強其歸不往絕粒七日而卒其涕泣處藥席皆腐嘉靖丁亥姪朱淮爲之合葬盛仕春作諸日耶彌留妻聽囑饑死事至徹失節身極辱於焉絕粒窮哀哭哭之哭之恩割腹思剖腹入鬼關劍出生前心地下與郎看萬曆癸巳御史陳子貞旌之

陳時表妻趙氏

按福安縣志趙氏潯頭人生員陳時表妻年二十七倭入城度不能脫攜二子赴火而死

楊宙娘

按福安縣志楊宙娘阮承祖妻倭入寇男子上城守禦婦人收簪珥爲逃匿計宙娘獨袖小刀妯娌笑曰何收此不切之務曰此物必有用處及城陷遂自刎

陳國社妻郭氏

按福安縣志郭氏東門人陳國社妻夫亡寡居值倭變解帶自經於樹而死

陳翰妻林氏

按寧德縣志林氏陳翰妻與夫俱被倭執至營泣謂

夫曰不幸至此勢難兩全吾有死而已汝歸撫子毋以吾爲念百計脫夫出營歎曰吾事畢矣遂赴水死

曹逞妻謝氏

按寧德縣志謝氏曹逞妻與數婦共被倭執拘於東門林家樓至晚度不能免乃託取水盥浴投井而死

林邦京妻陳氏

按寧德縣志陳氏生員林邦京妻城陷爲賊所執拽至街尾宋家欲污之大罵不從被殺鄰婦匿暗至者俱聞之

林文奎妻何氏

按寧德縣志何氏林文奎妻倭變擄掠婦女羣出逃匿數賊追至江邊度不能免謂諸婦曰與其受辱執若一死之爲潔遂投於江

陳淑慈

按寧德縣志陳淑慈經歷陳範長女許嫁林示續倭賊陷城被執揮之行堅抱柱不爲動賊怒殺之庠生韓秉道被執在旁親見既脫而述其事

黃燠妻林氏

按寧德縣志林氏生員黃燠妻年十七歸燠十九燠亡一子甫兩月父母欲令更適林矢志不二泣血幾喪明及倭變赴火自焚

林鴻漸妻崔氏

按寧德縣志崔氏生員林鴻漸妻倭變被擄不從見殺身臥磚地已而屋燬身焚天陰雨其形宛然在地

林執中妻吳氏

按寧德縣志吳氏生員林執中妻德性幽閑語言不苟相夫敬順不違倭賊陷城夫被執挺身救夫被殺

何琚妻吳氏

按泉州府志吳氏刑部員外郎何琚妻晉江人詩禮家女知書通大義夫亡年二十二無子卒哭之日囑置嗣區處後事從容自縊死所作奠夫哀辭酸楚不可讀嘉靖間旌表

王國助妻陳媚姜

按泉州府志陳氏王國助妻名媚姜晉江人生子甫四月夫病亟臥牀歎曰吾死子將誰託陳曰吾決無二志君無累心夫亡獨撫幼孤躬織紉以爲衣食一日從母郭氏弔外祖喪舟回至江中賊舟逼甚急陳度不免赴水死賊悔隨旋舟去越四日屍浮色如生時年十七

黃思詔妻陳氏

按泉州府志陳氏訓導黃思詔妻南安人思詔沒界以田園爲終老計氏誓必死時嫡子一良成進士在京師俟歸與訣遂自縊年二十七

謝應祚妻蔡氏

按泉州府志謝應祚妻蔡氏晉江人夫亡引帛自縊帛斷泣曰得無有身乎以愛視之無有越七日遂死

吳煒妻莊願貞

按泉州府志莊願貞吳煒妻晉江人歸未葬而煒亡莊先與夫約同死父母知之告祖母與同臥起防之莊辭祖母曰夫無子莫與三年喪者吾何忍死祖母還報其母尋諷以他適莊憤自縊死

蔡任妻孫氏

按泉州府志孫氏蔡任妻晉江人夫亡年二十二事姑撫子越二年子殤姑亦歿氏遂自縊嘉靖間旌表

朱焯妻陳氏

按泉州府志陳氏朱焯妻晉江人都御史鑑孫婦夫亡年二十六撫遺孤未幾而殤陳遂服毒死嘉靖間旌表

林應元妻許端娘

按泉州府志許端娘庠生林應元妻晉江人歸林五年夫歿密藏餘帛小祥自經死

傅福光妻蘇氏

按泉州府志蘇氏南安傅福光妻晉江人封彰德知府蘇士潛女歸逾年夫歿氏痛哭誓不獨生請於姑以夫兄子爲後拜父兄訣別謂其兄督學茂相曰兄爲綱常名教之官妹請爲綱常名教之防越九日自縊死年十九

林大娘

按泉州府志林大娘晉江人受余汝麗聘麗商於外舅姑預迎歸麗客死女自縊嘉靖間旌表

蘇希益妻陳氏

按泉州府志陳氏南安諸生蘇希益妻嘉靖甲子爲倭寇所俘義不受辱乘間投水寇以矛刺之罵不絕口與幼男俱被害

陳元登妻許七官

按同安縣志許七官陳元登妻登亡無子七官仰藥欲死姑亟救之卒哭夜又飲藥姑又灌救爲立嗣越三月嗣子夭七官鍵戶茹毒姑呼鄰人共破戶救之竟夜復甦一日姑赴鄰人席七官自縊死年二十二

黃鼎在妻許良娘

按同安縣志許良娘黃鼎在妻鼎在因城陷死良聞

訃遂自縊

黃順娘

按同安縣志黃順娘許文潛妻潛疾危囑順娘撫三歲孤順娘泣曰君即不起妾不敢後潛亡順娘視殮畢即自縊年二十三

林伯謙妻許氏

按同安縣志許氏林伯謙妻伯謙違重疾氏百計不能療諫歿氏哭奠九旬畢遂投井而死

張鳳岐妻陳氏

按同安縣志陳氏儒士張鳳岐妻姑癯疾與夫奉侍湯藥衣不解帶凡三月姑歿岐哀毀病篤氏日減食籲天願以身代及夫歿請夫兄立姪為後遂為己治死具母與妯娌勸之不同越九日沐浴更衣哭拜夫靈併母兄戚族閉戶自經死

劉德昭妻李氏

按同安縣志李氏年十九適劉德昭越歲餘昭歿誓以死殉昭叔義而許之氏拜姑并妯娌沐浴更衣自經死

王從彝妻陳氏

按同安縣志陳氏諸生陳鼎女年二十歸龍溪王從彝逾月而孀父母慮其死強昇之歸氏匿帶自縊

盧真賜妻陳氏

按同安縣志陳氏盧真賜妻賜係獨子死時氏方姪越二月生男不育氏慟哭日所以未死者為夫存後爾今既死何以生為遂自經於房時年二十五

王廷岳妻許氏

按同安縣志許氏王廷岳妻岳亡子甫四歲氏痛哭

欲死母與姑相慰藉之及小祥子殤氏大慟曰吾鞠兒無功何面目謝吾夫日夜撫柩哭勉襄葬事積毀成疾大祥日姑出理諸務給其母曰吾甚病去此里許有神靈請母往禱之母疑躊躇氏曰母往亟歸母去氏經死年二十九

許復晉妻陳氏

按同安縣志陳氏許復晉妻晉應府試溺死訃至陳即自縊

許子輝妻吳氏

按同安縣志吳氏許子輝妻輝歿及禪吞藥死年二十一

許致允妻張氏

按同安縣志張氏許致允妻允死卒哭張自經年二十二

王氏女

按同安縣志王氏女許字許世鍾鍾遠遊父母先期娶婦以待越三日世鍾計聞女遂自縊死年十九

許元妻洪氏

按同安縣志洪氏許元妻歸許僅半載元客死訃至自縊死

張子異妻李氏

按同安縣志李氏張子異妻子異遭疾危氏泣語曰夫未有子既不起吾與同日死異亡氏遂自縊年十八

陳安眾妻黃氏

按同安縣志黃氏陳安眾妻眾歿氏自經死年二十三

陳肇岡妻劉氏

按同安縣志劉氏陳肇岡妻岡死家貧多積負氏曰吾固當死但遽死使夫受逃債之名死有餘憾於是鍼刺紡績手胼足胝者窮日夜為之及三年風負盡酬謂其小姑曰吾事畢矣遂自經死年三十七

王廷椿妻蔡氏

按同安縣志蔡氏王廷椿妻椿試不售鬱鬱成疾氏侍湯藥罔懈及亡氏母往視氏告母曰兒負母恩矣將所有簪珥布衣付姑自經死年二十五

董嘉遇妻陳氏

按同安縣志陳氏董嘉遇妻嘉遇鬻技於外數歲無音信人言其已死父母諷使再適氏不肯後十三年嘉遇歸不一歲死氏遂自經年三十一

謝玉妻丘氏

按同安縣志丘氏謝玉妻玉亡自縊死

林繼賢妻李氏

按同安縣志李氏林繼賢妻賢歿氏絕粒毀容卒哭自縊死年二十有四

陳以恕妻何氏

按同安縣志何氏陳以恕妻恕亡殮時氏潛匿夫行總冬瀕海有警氏避於母家警退而歸即以行縊自縊死年二十一

董尾吉妻王氏

按同安縣志王氏董尾吉妻吉舟遇颶風死氏夢夫歸遍體皆水驚問之曰予自水中來與夫同舟者歸親往問得夫溺狀遂自經年二十四

黃尾妻徐氏

按同安縣志徐氏黃尾妻尾病篤氏侍湯藥不懈夫亡自縊死年十八

李婦郭氏

按同安縣志郭氏諸生李躍龍孫婦歸五月夫亡欲死翁姑護之不得至大祥日哭奠自經死

謝愛娘

按同安縣志謝愛娘許字陳五美未嫁美亡愛娘恍惚見一男子入其門翌日計聞即往陳拜舅姑哭靈前至撤靈次日舅姑出視農務遂投繯死

王湍妻林三娘

按同安縣志林三娘年十六適庠生王湍六月而湍歿三娘以死自誓翁姑及母皆欲嫁之三娘曰夫有三弟在吾之未死正爲血食計耳豈以無子棄去耶翁姑知其志乃令至母家欲俟其母徐勸之三娘蓬垢三年足不出戶母密許富室劉姓三娘聞知乃於夫忌日歸飲毒發嘔人尚無知者至鷄啄其沫盡斃姑始覺仍令歸母家三娘曰即日從夫地下爲王氏鬼爾復何往乃撫膺仆地大慟幾絕姑令婢嫗十餘曳而過市見者無不流涕母遂強奪之三娘懼無所逃乃語母曰女今嫁矣膏沐笑語異於平日母以爲然令媒往劉告期至日爲燕以待三娘竊入寢室自縊死事聞旌表

吳泰妻康氏

按同安縣志康氏廩生吳泰妻泰家貧篤學一試輒冠軍氏歸攻苦甫四月而泰亡氏矢志從死母與姑百方寬慰不聽惓惓致語夫弟以姑老爲囑伺間縊死御史方公爲請建坊與夫合葬東嶽廟前道傍

呂潤妻陳氏

按同安縣志陳氏梧州林兜生員呂潤妻年二十而寡哀毀絕粒姑讓之曰汝欲以二喪累我耶乃就食三年日食不再面無怡顏偶歸省母或探之曰爾少艾家貧又無子將安終哉氏拂衣起告其姑曰生而啓人何不如死計夫歿於嘉靖壬辰某月日即以前飲毒期以明日死告於夫之靈曰生同年死同日家人灌解之越三日命絕

李一陽妻莊氏

按同安縣志莊氏李一陽妻陽登第待次銓部以疾乞歸卒於途莊設位哭哀毀逾禮以二孤付叔樞至自縊死有司表其門

王式妻吳氏

按同安縣志吳氏諸生王式妻嘉靖己未避倭大壑寨中寨陷被執氏罵不絕口賊怒將殺之或教賊曰彼大家婦可挾以索厚贖乃令蔡姬扶之行適道旁有泉深數丈遂投而死賊去收其屍因名其泉曰義泉

蔡士訓妻洪四娘

按同安縣志洪四娘蔡士訓妻嘉靖己未避賊大壑嶼中及遇賊迫之行四娘坐地以瓦石擊賊厲聲大罵賊怒殺其一婢以恐之不爲動又殺其女及二稚子罵益甚賊度不可屈乃刺背洞胸無血賊恠駭而去時同避賊者伏薪莽中共爲埋屍淺沙比賊退凡四十九日發殮顏色如生至今壑嶼人傳頌之

陳汝光妻許蓮娘

按同安縣志許蓮娘陳汝光妻賊劫其家將掠去蓮

娘抱樹而哭罵不絕口爲賊所殺

黃貞妻許靖娘

按同安縣志許靖娘黃貞妻貞亡日夜慟哭自縊而死

呂登三妻許酉娘

按同安縣志許酉娘呂登三妻三家貧得損疾亡殮畢即葬酉娘命作二穴不聽以手爬土指皆出血妯娌擁之歸自縊死年二十一

黃士觀妻趙氏

按同安縣志趙氏黃士觀妻士觀客死詔安氏年二十絕水漿七日值士觀忌辰從容處分後事自縊臥內

周仕昂妻陳二娘

按同安縣志陳氏周仕昂妻仕昂就婚十日告歸隨二娘年十八奔計題其臥房曰三從四德始終一節陰購鉤吻吞之鄰婦以他草救之得不死時寇警二娘與二侍女守柩不去既葬投河復救免謂其奴曰吾必死終自縊

張綬妻周仲娘

按同安縣志周仲娘張綬妻綬亡仲娘自經同居覺之赴救得甦撤靈後沐浴更衣仍縊而死年二十三

張一睦妻葉三娘

按同安縣志葉三娘張一睦妻睦客死喪歸三娘矢志欲死父母知之防甚密及大祥哭奠畢忽有白鷄從天下三娘曰吾夫生肖屬鷄是其魂來招我也遂自經死年二十三時倉卒殮具未備家人奔走有黑貓據牀守護其屍至蓋棺乃去

李起滄妻陳酉娘

按同安縣志陳酉娘李起滄妻滄弱冠有文名兩試不售下帷過苦得虛損疾酉娘侍湯藥廢寢食滄棄世哀毀絕粒姑及母皆勸之自分必死卒哭自縊年二十七

楊廷樹妻范引娘

按同安縣志范引娘楊廷樹妻廷樹捕魚遇風舟覆引娘沿岸號三日夜淚盡血出獲夫屍負歸葬之撤靈日自縊死年二十二

陳台宜妻王六娘

按同安縣志王六娘陳台宜妻台宜渡海遇颶舟不知所之後知台宜死於交趾六娘哭奠備極哀痛欲燎薦其衣舅姑難之私謂所親曰終當送達而已撒靈之日夜自縊死年十九

陳璿九妻某氏

按德化縣志陳璿九妻某氏嘉靖辛酉八月流賊猖獗突至其鄉倉卒抱週歲兒與夫同匿山中爲寇所獲夫身免寇見其姿美欲奪之不可寇手刃其兒氏撫兒慟哭震地厲聲罵賊不絕口遂被害年二十有五邑人間之莫不以烈稱之

鄭仲輝妻陳氏

按德化縣志鄭仲輝妻陳氏陳輝一之女也歸鄭兩月而鄭病事夫半載而夫亡哀慟七日慷慨就義通邑公舉旌其門

鄭馴妻王氏

按永春縣志王氏鄭馴妻嘉靖末山賊猝至抱子逃匿見夫爲賊所獲挺身救之給賊曰以我爲質賊釋

其夫度夫去遠遂發聲罵賊不休母子俱被害

林氏女

按永春縣志林氏女許字允文姓未嫁文姓歿女年十九聞訃痛哭辭母徒走奔臨趨柩所慟絕復甦謁姓父母再拜手裁束帛藏之迨二七之期對尊親肅拜畢雄經死

許朝槐妻黃氏

按永春縣志黃氏許朝槐妻槐病革氏年二十有六卽以死訂斷半櫛爲約槐沒勉爲夫治葬事復爲其女預製鞋選長至三年以上遂自縊死有司上其事奉詔旌表

方其振妻陳氏

按永春縣志陳氏方其振妻振病氏年二十三號痛誓以身殉朝夕不離柩側至斷七拜辭舅姑投繯死

黃維禎妻楊氏

按永春縣志楊氏黃維禎妻禎病氏門戶單微僅有衰翁及幼叔氏年二十一誓從死翁以家貧勸之氏陽許至二七候翁出自經

劉毅齋女

按永春縣志劉毅齋女少讀書許字林未弘隨母歸寧至花石潭爲賊所逼恐受辱自溺死

李鏡妻林氏

按安溪縣志林氏庠生李鏡妻年二十八寇掠湖市林氏驚遁至溪畔忽憶被中阿女急歸反走至故處遇賊以釵簪贈其魁釋之又遇林氏給曰我家穴藏財寶客同取賂賊聽之林氏過黃石潭潭深十仞餘

遂躍入死三日出其屍水中倚石僵立手持鎗如故

林超南妻黃愛玉

按安溪縣志黃愛玉南安人儒士林超南妻年二十三超南赴省死於途與屍至氏葬哭哀慟親爲槨殮時值倭警舉家夜遁氏對柩泣曰寇來吾死柩前矣號哭達旦自縊室中啓視渾身以布裹甚密臨死設座焚香委白衫布裙其上預囑婢春鶯莫令男子近其屍

某氏婦

按安溪縣志某氏婦者嘉靖四十一年倭入安海大掠男女被獲中有一婦姿容甚盛手牽一女背負一兒賊欲迫之不從恐之刃不動賊怒欲斬之引頸受刃罵不絕口死終不知其姓氏

張問行妻李氏

按安溪縣志李氏庠生張問行妻嫁一載行氏慟哭骨立越五旬自縊死

龔貞妻謝氏

按安溪縣志謝氏孝廉龔貞妻夫歿盡喪禮卒哭自盡面不改色

李純香

按安溪縣志李純香感化里人晉江林泗妻年十九泗斃其家甫五旬歸省得病純香徬徨終夜明發馳去酒已死伏屍傍哭不絕聲絕水漿七日姑強之進少許及卒哭夜櫛沐更衣自縊嘉靖十八年旌表

欽定古今圖書集成明倫彙編閩媛典

第六十五卷目錄

閩烈部列傳二十一

明十六

黃四娘

丁大娘

康起鳴妻陳氏

黃輝妻王氏

陳基妻黃氏

翁瑞夫妻林氏

吳志豪妻陳氏

朱鐸妻戴氏

陳纘妻程氏

鄭承惠妻黃氏

黃龍妻吳尾娘

陳茂馨妻許氏

沈種妻黃氏

陳誥妻王品姐

吳貞姐

鄒大澤妻許佳娘

許傍妻林月娘

江勤姐

郭四娘

鍾三姐

朱氏鍾氏

鄭鴻澤妻詹氏

戴和妻俞叔娘

楊端妻王氏

王大景妻蘇氏

謝君福妻許氏

蔡氏女

林鳳翔妻葉二娘

吳開姐

陳譽妻吳英姐

蕭哲妻黃氏

胡士麟妻鍾尾娘

毛氏

王維垣妻楊氏

林作惠妻郭氏

施君蓋妻陳清藻

程嗣哀妻王京姐

陳應科妻黃氏

蘇氏

朱黃妻蕭氏

林可貞妻游氏

張冠期妻朱氏

陸瓊妻陳氏

黃二姐

饒紅姑

徐麟瑞妻唐丹桂

陳氏女

黃瓊妻徐氏

黃尾四妻鄭氏

王琪妻黃氏

陸文諒妻林氏

葉周安妻吳氏

張氏女

包某妻

揭瓊芳妻蕭氏

陳漢杜妻鄭氏

張氏女

眞厚妻林氏

李津妻黃氏

方住女

陳大賓妻鄧氏

巫女

某氏女

陳積祿妻鍾氏

梁立妻麥氏

陳氏女

蒙士彥妻趙氏

鄧子舉妻楊氏

徐憲妻許氏

鍾敬德妻李氏

譚進姑

朱建妻施氏

官異香

賴孫盛妻陳氏

溫敬妻余氏

林鳴鳳妻黃氏

郭氏女

嚴氏女

姜成起妻鄧氏

郭茂賢妻林氏

高氏女

潘氏女

某氏女

鄧琳祥妻林氏

吳天秩妻池氏

吳自修妻張氏

李雙妻張氏

董廷玉妻潘氏

陳氏女

梁興妻區氏

楊氏女

葉綱妻張氏

章漢妻蔡氏

林淑溫

陳氏女

梁子駟妻蘇氏

陳瑛妻程氏

許希曾妻李氏

馮啓妻楊氏

吳仕份妻何氏

李婦莫氏

莫歸式妻林氏

陳戴妻曾氏

歐陽勛妻黎氏

黃統項妻方氏

王道夫妻譚氏

蔡三娘

姚肇會妻尹氏

姚烈妻曾氏

唐明妻簡氏

黎輔妻梁氏

馮氏劉氏

陳鳴珮妻劉氏

周淑妹

梁小妹

林維翰妻陳氏

李七娘

周德高妻李氏

張子翼妻陳氏

嚴鳳姑

巫信妻謝氏

許越翹妻宋氏

黎夢昌妻張氏

周彥敬妻莊氏

鄧朝觀妻李氏

馮那有妻王氏

王氏三女

陳善娘

李伯亨妻許氏

黎日虞妻湛氏

梁明妻潘氏

鄧惟明妻熊淑英

鄭氏女

林中奇妻黃氏

梁小妹

閩媛典第六十五卷
閩烈部列傳二十一

明十六

黃四娘

按漳州府志黃四娘龍溪人嫁李能方十餘日時嘉靖辛酉流寇突至家人各逃四娘爲所獲入廟欲污之給曰此地未便俟夜可乎賊然之過河投橋下死

黃二姐

按龍溪縣志黃二姐府學生元陽女初元陽與舉人林煉相友善許配煉之次子夔時年各幼交乳互育後元陽沒家日替未幾煉亦亡夔遂背盟別娶富民張氏女兄東昇欲訟之官二姐泣曰訟吾姑吾夫是訟我也夔聞感愧以金二鎰懇賠別嫁二姐曰吾志必死何以賠爲求婚者踵至母兄婉諭二姐撫父柩泣曰幼曾見乳於林母長會拜見於夫翁不幸見棄何顏別適生不爲林氏婦死必爲林氏鬼遂密自經於父柩側家人救不及卓立如生鄉人爭往弔同里人方伯蔡公自爲文祭之郡丞李畿嗣爲營葬於馬岐鋪之左表其墓

丁大娘

按龍溪縣志丁大娘鄉塘丁椿女嘉靖間饒賊流劫時丁年十八未嫁隨父逃散遇賊驅去不從罵曰真賊我死不同汝去賊悅其姿復逼脅之丁望見前路有塘遂與行至塘投水死事聞有司爲祭葬仍表其門

陸瓊妻陳氏

按漳浦縣志陸瓊妻陳氏年十九嫁瓊未幾瓊亡翁

以室隘移柩山陳陳請置臥內不聽明日往視柩大櫬曰我在也夫暴荒野乎歸自縊死

康起鳴妻陳氏

按漳浦縣志陳氏陳德昌女年十九適士人康起鳴將一月而夫亡罄房奩爲喪具及卒哭母令歸寧泣曰無復歸理矣入臥房自縊死嘉靖二十一年旌表

張冠期妻朱氏

按漳浦縣志朱氏張冠期妻嘉靖季倭寇攻城冠期登城禦賊被傷死朱遂自縊

黃輝妻王氏

按漳浦縣志王氏黃輝妻鎮海人嘉靖四十年閏五月饒賊襲陷城輝出視賊賊奔至入室王度不免賊戴其夫帽氏大罵以手批賊頭擊其帽賊怒殺之事見黃氏家譜

林可貞妻游氏

按漳浦縣志林可貞妻游氏爲饒賊所擄繫行至天尊堂投井死

陳基妻黃氏

按漳浦縣志衛學生陳基妻黃氏饒賊陷城基持刀與闖賊格殺之黃投井死

朱氏黃氏

按漳浦縣志朱氏生員黃師文妻黃氏涂文妻姑嫂也嘉靖辛酉遇饒寇之難同被執俱投井死

翁瑞夫妻林氏

按漳浦縣志翁瑞夫妻林氏被賊執不屈抱子投井死

朱簪妻蕭氏 許氏蔡氏張氏附

按漳浦縣志朱簪妻蕭氏遇寇亂同妯娌許氏蔡氏張氏俱自縊死

吳志豪妻陳氏

按漳浦縣志陳氏吳志豪妻聞寇陷城投井死

蘇氏

按漳浦縣志蘇氏不知其夫遇賊罵不絕口被支解

朱鐸妻戴氏

按漳浦縣志戴氏生員朱鐸妻扶姑避賊遇賊欲繫之罵曰吾頸可斷不可繫賊怒斫之并欲殺姑戴負重傷翼蔽姑曰寧殺我賊義之並釋焉出城復遇倭寇不屈如初遂見殺後五日家人收其屍顏色如生

陳應科妻黃氏

按漳浦縣志陳應科妻黃氏嘉靖末饒賊陷城黃適歸母家父命與俱逃嘆曰賊盈城逃焉往賊至攻撤其門黃義不受辱投井死其母繼之

陳續妻程氏

按漳浦縣志程氏陳續妻續客死高郵程年二十八計至號慟幾絕成服拜舅姑畢以舅姑託其姪就寢視之死矣有司上其事旌表

程嗣哀妻王京姐

按漳浦縣志王京姐知縣王謐女性慧知書年十七適邑人程嗣哀夫妻相敬如賓踰年哀死王年十九號哭頓絕家人防之不獲死將投穴衆扶抱而出遂登樓自縊死其衣衾簪珥皆以預置殮具有司以聞旌表

鄭承惠妻黃氏

按漳浦縣志黃氏黃仕求女年二十一適鄭承惠三

年而寡哀號額天願以死從越七日哭奠如禮自縊死其殮具皆預爲之嘉靖間有司上其事旌表

施君盡妻陳清藻

按漳浦縣志陳清藻佛潭橋人年十八適儒士施君盡施家貧陳甘辛苦孝養舅姑未幾君盡遺疾不起陳累禱請以身代及以市衣飾以殮日夜號哭不食登樓自縊死

黃龍妻吳尾娘

按漳浦縣志吳尾娘雲霄人幼端靜讀書曉大義年十八適諸生黃龍事舅姑孝食貧採薪躬爨無所辭勞無何龍亡吳氏抱二歲子付其姑號慟絕粒兩拳撫膺五孔出血越二日死於棺側

林作惠妻郭氏

按漳浦縣志郭氏崎林人適林作惠生一男年二十八夫亡以死自誓其家防之嚴弗獲所志一日忽付孤於姑曰吾將往視夫墳至墳所拜哭盡哀投深潭死縣令房寰表其閭

陳茂馨妻許氏

按南靖縣志陳茂馨妻許氏資偉孫婦資偉歿時俸妻林年二十九子漢在襁褓越七日又產遺腹子湍家甚貧乃鬻嫁時衣物爲喪葬費繼祖姑憐林少寡欲嫁之林剪髮自誓指天泣曰婦去置二孤何地且婦欲死久矣所以不死者懼陳氏之不血食也祖姑聞其言悲之歲時祭祀賓客教養二孤俱以紡績自辦守節六十餘年學使廉其事給米帛表其門嘉靖辛酉饑賊攻陷邑城林氏年九十四子漢已死湍應貢郡下惟孫茂馨侍左右林氏曰吾今可以見而祖

矣茂馨妻許氏度賊至不得免借其女陳二姐與茂馨訣曰吾母女且死祖姑老汝第扶去或可脫免吾無恨矣賊既至母女俱投井死賊倉皇不知所爲乃舍置茂馨令扶老嫗走仍爲出二屍付之十日始獲殮面色如生許氏峽江訓導許浩然女死時年三十四陳二姐年十四鄉人聞者見者無不泣下事聞郡守爲之助葬

王維垣妻楊氏

按南靖縣志楊氏舉人楊參之曾孫女生員王維垣妻性沉靜寡言事翁姑孝及翁姑沒翁有妾相夫事之如母夫有弟導夫撫之若子嘉靖辛酉饑賊陷城與夫相失被執欲汚之不從罵賊而死時人欲上其事維垣止之

沈種妻黃氏

按詔安縣志黃氏沈種妻歸三載夫病以越三日棄女投繯死年十有八奉詔旌表

毛氏

按詔安縣志毛氏懸鍾人嘉靖間會一本作亂海上其夫從征朝發而夕死氏聞哭之水涯見有扇從海上飄來氏認係夫手澤遂赴海而死時見有血一團漬死所不散衆多異之

陳詒妻王品姐

按詔安縣志王品姐陳詒妻夫病減食積米爲市藥費夫死既殮即入自縊家人救之氣未絕踰日而甦朝夕哭奠及卒哭盡散器物與人人咸疑之至夕整服自縊死顏色如生時年二十一

胡士麟妻鍾尾娘

按詔安縣志鍾尾娘鍾邦華女年十八適生員胡士麟舅姑先喪事祖姑以孝聞嘉靖間麟以家貧教讀五都得病氏聞廢食與家人往視進奉湯藥越二日而麟死賃舟載屍歸殮畢即潛入臥房自縊死縣令表其門

吳貞姐

按詔安縣志吳貞姐年十五未許人嘉靖間海賊突至貞姐與父俱擄焉賊欲犯之大罵不從賊取盛飾置前曰汝并而飾吾將室汝貞姐度不能免給曰吾當以告吾父時其父另載賊信之移舟遂躍入海屍浮數里不沉賊爲之歎惜擄屍具棺以歸縣令聞而祭之

蕭哲妻黃氏

按詔安縣志黃氏蕭哲妻年二十六夫歿一女甫周歲守死不嫁舅姑陰受他聘擇日欲強遣之黃懇於姑曰亟還他物吾死不入其門姑怒詈之黃度不免夜三鼓棄女潛出爲死計女啼不絕聲黃躊躇恐舅姑覺而追之反襁負其女趨江潭插竹挂衣其旁自沉死

鄒大澤妻許佳娘

按詔安縣志許佳娘鄒大澤妻許士悅女年十八歸鄒克盡婦道二十五夫亡遺一子慟哭頗絕誓不獨生每泣必撫其孤曰吾不能卒育汝矣姑聞防之頗嚴起居食宿俱踰月守者憐一夕姑視釀於別室遂自縊死

陳養望妻吳英姐

按詔安縣志吳英姐陳養望妻夫亡自縊柩側縣令

吳桂表其門

許傍妻林月娘

按詔安縣志林月娘生員林國光女年十八適許傍事舅姑未踰月夫亡月娘朝夕悲號誓欲與夫同死姑勸不聽勺水不入口哀毀骨立三越月而沒與夫同葬

吳開姐

按海澄縣志吳開姐許配儒士黃旭燭年十八開旭燭病革密禱求以身代計至欲自經父止之曰女子死夫當在夫家此非其所也遂吞聲投淚促弟輩往白燭家素帷白燈導之去哭奠如儀晨夕坐臥喪側燭母知必死防之甚周迨卒哭成禮會諸姻戚談笑自若防者稍疎遂沐浴整衣自縊死奉旨建坊旌表

江勤姐

按海澄縣志江勤姐許配龍溪儒士郭遜遜病亡江持服哀慟累日不食所親譬解之不得自縊死合葬於郭有司旌其門

林鳳翔妻葉二娘

按海澄縣志林鳳翔妻葉二娘同安葉士品女也夫亡事姑孝謹嘉靖三十八年倭奴入寇流賊乘倭劫掠葉往同安襄父喪與衆婦避賊涉淺溪猝與賊遇衆婦被執葉獨與抗賊按刃其胃葉大罵曰死賊何不速殺我賊刳其脣罵不絕聲而死萬曆丁丑奉旨旌之

郭四娘

按海澄縣志郭四娘者郭明先女嘉靖間許配劉運復未嫁劉讀書抱奇疾未幾身死計至四娘誓以身

從父母防之密而志益堅歷五日晡時乘間自縊死遂合葬

蔡氏女

按海澄縣志蔡氏女父蔡明揚以女許配儒士郭顯仰仰死女年十八聞計欲自經家人嚴守之不得死告父母欲奔喪父母難之潛受他聘女密縫寢室叔母救慰父母還他聘閏二月之朔晨冒雨奔郭撫棺慟哭落淚皆血設榻傍柩斷指自盟時酷暑柩中液出女以舌吮之卒哭家長爲仰立嗣女相依不復歸寧親屬不得見面如是閏十年所仰始葬女哀慟絕粒死直指以聞建坊旌表

鍾三姐

按海澄縣志鍾三姐鍾可久女許配儒士曾省研研就學於外道亡女聞計即匍匐往治喪哀毀骨立日不再食既終喪旋自縊死

謝君福妻許氏

按海澄縣志許氏謝君福妻嘉靖辛酉氏年二十餘倭掠海濱君福攜妻避難道遇賊追甚急氏曰賊所以窮追利妾也得妾君必死不如棄妾自全妾死決不出鄉可收君骸福故勇悍左提刀右挈氏在走氏奮夫指自脫賊見氏美趣前擁之去氏伴從度去夫遠罵賊求殺不得遂投水中賊引出罵益甚賊刳其腹而死有司旌之

朱氏鍾氏

按海澄縣志許光妻朱氏許瑞妻鍾氏賊至溪尾先獲朱氏驅之去不從殺之并刳其孕曰使爾禍延鬼子繼獲鍾氏被脫追及之亦遇害屍寸寸斷里人傷

焉

王大景妻蘇氏

按海澄縣志蘇氏王大景妻蘇克辨女也嘉靖間避倭鎮海饒賊襲陷衛城蘇氏與大景扶姑出奔遇賊死之賊退收其屍容色如生觀察黎元旌其門

鄧鴻澤妻詹氏

按長泰縣志詹氏欽化里民鄧鴻澤妻詹思元長女事舅姑能執婦道嘉靖間倭寇充斥嘗與衆言曰寇擄掠日甚若不幸遇賊有死而已未幾掠其鄉擄獲婦女甚衆詹獨抱八月幼子坐於田間寇奪其子刳之使行詹唾罵不顧賊殺之歎其節因舍其子真之近村竟得全活死時年二十八

楊端妻王氏

按漳平縣志王氏和睦里謝倉民楊端妻嘉靖間饒賊攻劫土樓勢不能支王氏抱周歲兒投井中其夫急往援之曰爾男子也可以求生吾婦人義不可辱遂絕袂溺死

蔣元和妻鄧氏

按漳平縣志鄧氏名順感化里人文學鯉變女五歲通論語誦唐詩二百餘首年十二習女紅纂組工緻每讀王婉容滿江紅詞及文山和句清隴潸然蓋憐其薄命也十九適同里蔣元和未拜而元和夭鄧哀毀忘生夫家故貧無子父母給之歸欲嫁之鄧度不免乃先自治衣殮父母防之密不得間即妝次服鉛粉數兩以故告庶母未并囑歸葬夫家語畢而絕蔣族昇歸與元同窆其父爲之銘曰上從無夫下從無子庶幾來歸首丘此土此土維何上有簞竿下有

潺湲簪竿之貞潺湲之清惟貞與清更千秋今與爾
幽宮鄰

戴和妻俞救娘

按長汀縣志俞救娘戴和妻嘉靖間寇變和陣亡俞
被掠不汚死

吳紅保妻賴癸娘

按長汀縣志賴癸娘吳紅保妻年十九嘉靖辛酉五
月被寇掠至潞潭投河死

鄧子舉妻楊氏

按寧化縣志楊氏鄧子舉妻也嘉靖四十年流賊過
縣氏與小姑鄧良姐避賊至溪南烏礮石賊追將及
度不能脫姑嫂相抱投水死

鍾世瑄妻丘細姑

按上杭縣志丘氏名細姑來蘇里民鍾世瑄妻嘉靖
四十年辛酉丘年二十三值廣寇梁紹祿劫縣丘被
執於綠竹岡罵賊爲所殺遺三歲女於道旁家犬爲
守之三日夫逆歸收之葬葬岡側有司表其廬

徐憲妻許氏

按武平縣志許氏庠生徐憲妻憲疾革令再嫁許泣
誓無二志憲難之遂自縊憲亦尋亡有司臨窆題其
墓

徐日燧妻舒氏

按武平縣志舒氏徐日燧妻年十八夫疾革命之日
善事後人氏曰爾先行我即來視舍畢密備殮具飲
藥死合葬縣令巢之梁申請建祠城外祀之

鍾敬德妻李氏

按武平縣志李氏太學生鍾敬德妻年二十夫亡無

子有老親守節四十年流賊破城以磁鉢刺喉而死
程大韶妻張氏

按武平縣志張氏庠生程大韶妻年十七夫亡三日
殮畢自縊死縣令表其門

譚進姑

按歸化縣志譚進姑下覺里人有殊色年二十二夫
亡侍養其姑嘉靖辛酉山寇至婦姑並被擄賊奇進
姑貌欲私之進姑給以夜期前驅至將軍橋潭水清
深泣謂姑曰媳欲終養恐身辱爲姑羞姑善自保遂
投水賊意其誤援之不及越三日賊去屍乃浮鄉人
爲建橋亭以志之縣令表其門

饒紅姑

按邵武府志饒紅姑饒禮生女許配同里黃黑未嫁
黑亡紅姑聞計爲持服既三年父欲與締姻女不從
父強受某聘女潛入臥內自縊死嘉靖七年諸生以
聞於侍御聶豹下有司爲立石於墓

朱建妻施氏

按建寧縣志施氏朱建妻開山施宜保女也嘉靖辛
酉賊掠開山施被執欲汚之施以頭觸石大罵不
止又取石擊賊賊婉語誘之罵曰砍頭奴汝逼我天
將殺汝賊怒支解之其夫感婦義烈終身不復娶有
司以祀風教祠

徐麟瑞妻唐丹桂

按建寧縣志唐丹桂廣昌唐坊人爲潯坊徐麟瑞妻
年十七夫亡自經死邑人多作詩弔之

官異香

按建寧縣志官異香官祥之女失其夫名姑族有惡

少潛入其室強欲求合逐之旋自縊死

陳氏女

按延平府志陳氏女永安人嘉靖十二年流賊入境
掠其家諸婦無一脫者女年甫及笄有殊色賊脅以
刃不從諸婦曰姑從以緩死女號泣怒罵爪賊面流
血遂遇害

賴孫盛妻陳氏

按延平府志陳氏名菊香賴孫盛妻永安人年二十
四夫溺於灘遺孤甫三歲氏號泣累旬待樵歸治喪
畢即自經死

黃瓊妻徐氏

按延平府志徐氏黃瓊妻名冬使南平人少適瓊瓊
宕子欲鬻之富商徐涕泣欲死富商驚異去瓊復誘
惡少娶之徐度不能脫奔母與決母曰夫誠宕子惡
少固不足託無他匹乎徐歸即自縊死嘉靖間有司
營葬題其墓

溫敬妻余氏

按延平府志余氏溫敬妻將樂人及笄適敬越五年
敬歿於河氏痛屍弗復踰月哭聲不止父母召勸之
默然引去出所衣衣及夫常服焚之而歸所有於姑
示訣姑止之對曰吾惟有死以謝夫恨未得屍耳又
踰月屍終未獲乃沐浴縊於夫寢年二十二嘉靖二
十九年縣令王鈴教諭何大章爲之傳贊與張貴娘
同建祠雙烈亭勒二碑

黃尾四妻鄭氏

按延平府志鄭氏名冬女黃尾四妻遇賊於鄭嶺逼
令同行不從罵不絕口賊怒剖其腹剖孕而死

林鳴鳳妻黃氏

按延平府志黃氏名怡姐林鳴鳳妻南平天竺里人嘉靖壬戌流賊猝至扶姑竄匿被獲以頭觸地鮮血逆流執至南樓奮身墮而死賊退七日收屍溪傍顏邑如生年十七

王琪妻黃氏

按延平府志黃氏王琪妻名貴女永安人遇賊被執欲辱之不屈鎖禁一室其夫來贖氏曰我只以一死相謝無顏相見也遂縊死以屍歸

郭氏女

按延平府志郭氏女名善英大田人議配王永亮未嫁而亮沒女曰父母欲奔喪至則留焉成服朝夕奠臨躬執爨事亮父母敬慎不苟儀度整肅日治女紅未嘗與諸婦聚談亮將葬盛為備者治食具囑使大作壙人莫覺也及發引前一日自縊死年二十四合葬嘉靖乙酉學使周琬遣官祭其墓

陸文諒妻林氏

按延平府志林氏士人陸文諒妻沙縣人家貧親操井臼相夫力學嘉靖十一年諒患瘰癧絕氏奉湯藥不怠越歲病革以父母託弟以幼子託姑以二女歸許嫁之家言不及林林訝之曰君將何語妾諒曰吾無以養汝勿留也林指身誓曰此身與君同生死當與君面決乃投縊死諒撫屍大慟次日亦亡

嚴氏女

按延平府志嚴氏女名寶使父惟中大田人也年十七嘉靖壬戌寇亂閭家被擄女懼辱自縊父救甦賊拷其父索贖金無有將殺之女給賊全父抵銘溪渡

頭橋下乘賊午飯投橋下死賊驚歎釋其父收其屍有司表之

葉周安妻吳氏

按延平府志吳氏葉周安妻子天榮娶高氏順昌人嘉靖四十年流賊至姑媳被擄脅汚不從至妻杉灘俱投水死

姜成起妻鄧氏

按延平府志鄧氏姜成起妻沙縣人早寡守節雖弟姪罕見其面丙戌山寇亂氏被執執悅其姿溫語誘之不動脅以刃遂大罵撞賊遇害

張氏女

按延平府志張氏女父理順昌人嘉靖二十九年流寇突至被掠罵賊死

郭茂賢妻林氏

按延平府志林氏郭茂賢妻嘉靖間為流賊所擄不屈大罵不絕賊以刀斷其舌猶罵遂支解

包某妻

按延平府志包某妻不知其夫名并失姓氏將樂人郭賊陷城同夫被執不受辱賊殺其夫懼之氏懷子給賊曰首飾多私置金谿前岸茅葦中偕往取之從爾既至投縊死

高氏女

按延平府志高氏女父簡之沙縣人嘉靖二十九年許配張從傳未嫁而傳沒涕泣廢食以死自誓母嫂議擇壻女潛自縊死有司表之

揭瓊芳妻蕭氏

按延平府志蕭氏庠生揭瓊芳妻將樂人戊子正月

郭賊破城執其夫氏匿廚房從隙投釵與夫路寇得免隨自縊

潘氏女

按延平府志潘氏女將樂人年十六未字嘉靖庚申大帽山寇掠欲汚之女力拒不屈手扳一松枝為之折被殺松樹下

陳漢杜妻鄭氏

按延平府志鄭氏鄭桂女陳漢杜妻永安人年二十六丙戌二月寇盜充斥鄭同六歲女夏蟾被獲賊欲汚之伴許曰待女熟睡相從賊不之防將女縊遂自死

某氏女

按延平府志某氏女不知其姓氏水暴漲女偕母緣木漂流由建溪達延津有九溪舟人援之悅其姿欲汚之不從溺母以駭女女急投水死羅明祖為作貞女賦

張氏女

按大田縣志張氏女農家女也許配詹氏子未嫁詹氏子亡女初知詹病篤未敢言時臨層軒治組紆是日聞家人驚呼女肅聽之知凶問至泣之哀僅母下樓索所以聞者女遂投縊死機杆旁詹取其棺合葬

鄧琳祥妻林氏

按沙縣志林氏鄧琳祥妻三元人年二十四有盛色嘉靖庚申廣兵亂焚劫三元林被擄賊百計欲汚之至死不受辱罵不絕口賊怒按劍猶罵不輟賊將殺之林引頸受戮賊截首劍舌毀其屍而去

眞序妻林氏